

Cylch Gorchwyl Panel Rhiant Corfforaethol Cyngor Sir Ynys Môn

Pwrpas y Panel Rhiant Corfforaethol

Mae A78 Deddf Gwasanaethau Cymdeithasol a Llesiant (Cymru) yn darparu ar gyfer dyletswydd cynghorau i ddiogelu a hyrwyddo lles bob plentyn y mae'n gofalu amdano, yn ogystal â phob un sy'n gadael gofal.

Blaenoriaeth i Gyngor Môn yw bod Ynys Môn yn rhywle lle mae plant a phobl ifanc sy'n derbyn gofal gan y Cyngor yn ffynnu. Fel rhieni corfforaethol, mae gan aelodau etholedig a swyddogion y Cyngor, gyda chymorth cydweithwyr o asiantaethau statudol eraill, ddyletswydd i sicrhau bod llais a phrofiad y plentyn/person ifanc yn cael lle blaenllaw yn ystod eu cyfnod mewn gofal, ac wedi hynny wrth iddynt adael gofal; bod eu hanghenion yn cael eu diwallu a'u bod yn derbyn yr un cyfleoedd mewn bywyd ag unrhyw blentyn arall.

Er mwyn cyflawni hyn, bydd rhaid i:

- Aelodau etholedig hyrwyddo anghenion plant sy'n derbyn gofal a'r rhai sy'n gadael gofal;
- Partneriaid fod â disgwyliadau uchel ar gyfer plant sy'n derbyn gofal a'r rhai sy'n gadael gofal;
- Partneriaeth Diogelu Gogledd Cymru a'r Panel Rhiant Corfforaethol (PRC) ddarparu arweinyddiaeth effeithiol a chyfrannu'n sylweddol tuag at ddatblygu gwasanaethau sy'n cael eu harchwilio o ran eu heffeithiolrwydd.

Wrth ymarfer ei ddyletswyddau, bydd y panel yn ymwybodol o'r angen i hyrwyddo'r canlynol ar gyfer y plant y mae'r Cyngor yn gyfrifol amdanynt:

- Lles corfforol, meddyliol ac emosiynol;
- Gwarchod rhag camdriniaeth ac esgeulustod;
- Addysg, hyfforddiant a hamdden;
- Perthnasoedd teuluol a phersonol;
- Ymwneud â'r gymuned leol;
- Sicrhau breiniau a hawliau, yn cynnwys peidio â byw mewn tldi;
- Byw mewn llety addas.

Cyfrifoldebau'r Panel Rhiant Corfforaethol

1. Derbyn a chraffu ar adroddiadau mewn perthynas â gwasanaethau ar gyfer plant sy'n derbyn gofal a'r rhai sy'n gadael gofal.
2. Monitro herio gwelliannau i'r gwasanaeth yn drwyadl, ynghyd ag effaith ymarfer gwaith cymdeithasol ar wella canlyniadau ar gyfer plant sy'n derbyn gofal.
3. Monitro a herio effeithiolrwydd y gwasanaethau o ran gwella cyraeddiadau addysgol plant sy'n derbyn gofal.

4. Monitro a herio effeithiolrwydd y gwasanaethau wrth wella iechyd corfforol ac emosiynol plant sy'n derbyn gofal.
5. Sicrhau bod cyfleoedd hamdden a diwylliannol yn cael eu cynnig, a'u derbyn, gan blant sy'n derbyn gofal a'r rhai sy'n gadael gofal.
6. Codi ymwybyddiaeth a dealltwriaeth aelodau am blant sy'n derbyn gofal a'r rhai sy'n gadael gofal; eu hanghenion a'u profiadau, o fewn y Cyngor ac yn y gymuned ehangach.
7. Sicrhau bod yr holl aelodau etholedig yn gallu cyflawni eu rôl fel pencampwyr rhianta corfforaethol ac eiriolwyr ar ran plant a phobl ifanc Ynys Môn sy'n derbyn gofal, yn ogystal â'r rhai hynny sy'n gadael gofal, drwy gynnig cyfleoedd hyfforddi a datblygu priodol iddynt.
8. Bod yn uchelgeisiol wrth yrru gwell canlyniadau ar gyfer plant sy'n derbyn gofal.
9. Sicrhau bod llais a phrofiad y plentyn yn ganolog i waith y Cyngor yn ei gyfanrwydd a bod yn greadigol wrth ystyried ym mha ffyrdd y bydd y Panel Rhiant Corfforaethol (PRC) yn gwrandao ar safbwyntiau plant sy'n derbyn gofal, yn ogystal â'r rhai sy'n gadael gofal yr awdurdod lleol, a sut yr ymatebir iddynt.
10. Datblygu arbenigedd mewn materion sy'n effeithio ar blant sy'n derbyn gofal.
11. Darparu cyfeiriad strategol rhyngasiantaethol er mwyn cyflawni canlyniadau da ar gyfer plant yng ngofal yr awdurdod lleol a'r rhai sy'n gadael gofal.
12. Cyfrannu at ddatblygiad y Strategaeth Plant sy'n Derbyn Gofal a'r rhai sy'n Gadael Gofal; herio a dal i gyfrif o ran ei gyflawni.
13. Cyflawni 'addewid' y Cyngor i blant sy'n derbyn gofal a'r rhai sy'n gadael gofal.
14. Adrodd yn flynyddol i'r Cyngor, gan amlinellu'r gwaith a gwblhawyd yn ystod y flwyddyn a nodi rhaglen waith ar gyfer y flwyddyn ganlynol.

Aelodaeth a Llywodraethiant y Panel Rhiant Corfforaethol

Cynhelir cyfarfodydd yn chwarterol, ynghyd â chyfarfod ymlaen llaw i bennu'r rhaglen.

Prif Weithredwr Cyngor Môn (Cadeirydd)
Arweinydd y Cyngor
Aelodau Etholedig
Cyfarwyddwr Gwasanaethau Cymdeithasol
Cyfarwyddwr Addysg

Pennaeth Tai
Cynrychiolydd – Awdurdod Iechyd
Cynrychiolydd – Adran Addysg
Cynrychiolydd – Gwasanaethau Democraidaidd

Mae'r Cyfarwyddwr Gwasanaethau Cymdeithasol yn gyfrifol am sicrhau fod y panel yn derbyn cefnogaeth ddigonol gan swyddogion i arwain y Strategaeth Rhianta Corfforaethol.

Rheolwr Gwasanaeth y Gwasanaethau Ymyrraeth Ddwys fydd swyddog arweiniol y panel, gyda chymorth gan arweinwyr gwasanaeth ar gyfer plant sy'n derbyn gofal a'r rhai sy'n gadael gofal, mabwysiadu a maethu ac eiriolaeth.

Bydd Gwasanaethau Democraidaidd yn gyfrifol am drefniadau gweinyddol y panel ac am ddarparu arweiniad cyfansoddiadol. Bydd y rhaglen ac adroddiadau'n cael eu dosbarthu wythnos cyn y cyfarfod.